



浙江圖書館



浙江圖書館

敝帚集

海寧許樹棠懋序著

古體詩

中秋家讌

書

維仲之秋八月既望今夕何夕歡樂未央嗟台遊子
駸駸四方暮戒暴露晨嚴犯霜屆彼令節甫脫塵鞅
穆穆兔魄飄飄霓裳拜言嘉慶酌我兕觥優哉游哉
聊以相羊月有虧盈人有行藏今日故園明日他鄉
白雲蓬蓬黃塵茫茫誰鑿斯衷視彼上蒼願酒百壺
願粟千箱年年歲歲永侍高堂不遠遊只曰父母慶

祝張太師母周太安人七十

懿與淑德惟帝何竺謖謖貞松猗猗慈竹閱霜不凋
逾雪彌綺既康且寧降爾壺福

降爾壺福姬水誕華嫺吟柳絮敏頌椒花內則無愆
令儀孔嘉言歸京兆好宜室家

好宜室家潔脩甘旨錦江水流玉壘峰峙亦既勤止
亦既儉止熊羆協夢生三鳳子

生三鳳子振翩翩或登桂榜或入木天或白其眉
飛鳥由奉望雲涉此爰祝高年

爰祝高年天錫純嘏風乾模今齒齡稀古粥粥其音

統統其鼓以晏以娛彩衣忬舞

彩衣忬舞陶此令辰翠釜紫駝晶盤素鱗冰桃雪藕
婉衿是陳自卯及酉式衍嘉賓

式衍嘉賓酌以大斗呼我黃嬌延我綠友雕瓊絳肩
鏤玉叉手四座勿喧棠拜稽首

棠拜稽首載膚載揚曰母之德膺天之祥山莫角峻
水莫絜長壽佛無量壽母無疆

夜歸洛溪

浙

夕陽忽西入放舟凌深淵薄暝夜轉黑獵獵秋風顛
軒然波浪作掀破蘆花天聽之身戰慄起坐不敢眠

回頭試一望竹樹皆蟬聯野艇透遠火漁村明孤煙
浮雲濃如墨突起糾相連長空灑細雨使我憂心煎
行行來梵寺敲成鐘聲圓隔溪聞人語犬吠疏籬邊
舟行疾如駛心急若不前安得跨羽扇飛渡如神仙
到家風定雨亦止已見日出東山巔

悲蟋蟀

柔櫓搖夢去去去深溪行溪行悲蟋蟀其音淒以清
詎有不平事作此斷腸聲汝勿怨小弱汝軀天所生
汝勿怨荒僻汝過地所成汝勿怨昏暗照汝秋月明
汝勿怨飢餓飽汝秋露晶汝若入鸞坡汝若居鳳城

昂首青雲端應作瑞鷲鳴
今者既沈淪胡為心怍怍
丈夫尚意氣得失鴻毛輕
况此歲月駛玉律寒暑更
三復唐風詩可以娛我情

虎林秋雨

涼風颯然至秋雨落庭陰
砌下燕支溼階前昔邪侵
我來武林遊山水豁素襟
挂席明聖湖寂寞鍋銷金
蒙籠吳山高排若碧玉簪
眠雲得異趣剔石耐幽尋
那堪秋霖苦鎮日勘登臨
不怨知音稀獨向空堂吟
微聞金粟香禪悅超塵心

采蓮曲

采蓮復采蓮采蓮湖水邊湖女顏如玉兩頰花爭妍
回頭雙鴛央並宿蓮花塘鴛央莫相笑儂家自有郎
儂住在西洲郎居在南浦郎愛蓮花鮮儂思蓮心苦
莫教金甌生紅粉墜白露花老人亦老日暮秋江渡

采菱曲

采菱復采菱采菱湖之濱共道采新女偏作采菱人
菱花何纍纍菱葉何田田花花開葉葉秋風又一年
風吹橫波皺願侍郎左右思郎郎不見寶鏡封塵垢
昔日鴛盟深今日魚書沈菱雖生四角儂生祇一心

和潘柯亭見訪元韻

書城我坐忘，叩戶心迺爆。鸚鵡報客來，綠衣紅嘴啄。
倒屣款素心，被律薦古馥。勿笑魏公拙，時時迴青目。
新詩脫彈丸，懸黎問結綠。如漁方探驪，譬射已中鵠。
不日隨球圖，登作東序玉。清新超開府，麗藻邁昌谷。
贈我江郎花，輝茲茅龍屋。漸無瓊瑤章，報爾錦繡幅。

疊前韻

團露接薔薇，盟手意已爆。蔚彼龍鳳詞，愧我螭蝓啄。
一唱箋燦花，再詠墨騰馥。宛轉雙連環，明珠非魚目。
况具凌雲姿，飄飄似萼綠。豔白分羅虬，逸趣駕于鵠。
小園雜花柳，好鳥鳴屬玉。幸接河陽才，行吟子真谷。

翠翦裁天機龍梭織海屋雲章異布帛連篇詎有幅

虎林寄潘柯亭三疊前韻

良朋而離居使我心屢爆水淨魚影見山空鳥聲啄
檢篋吟君詩襟裾散芬馥持詩比西湖應奪西子目
淡裝復濃抹蛾翠點螺綠夷光幸勿笑我是類刻鵠
安得如君才揮毫飛珠玉長風振修林楚音眇空谷
蕭然白雲人逃禪古佛屋慰我長相思贈我鯉一幅

松雲

澗底百尺松夭矯盤虬龍參天勢欲飛萬壑雲為從
不雨翠自溼無風濤亦舂粒粒馬鬣細片片魚鱗濃

蟻蚓雜齧，鸚鵡踞青芙蓉。日午不見影，打出深山鐘。

荷風

荷花滿汀洲，畫橋碧陰漲。水閣掀珠簾，風來香復盪。
綠扇搖紅妝，微颺翦細浪。吹成冰肌涼，彌覺襟懷暢。
吳姬採蓮歸，片帆閣雙槳。溪心光不定，流螢閃一亮。

竹雨

修竹闌戶綠，瀟湘怕染俗。天為施膏澤，雨珠而雨玉。
籬披枝天斜，點滴聲斷續。萬个青琅玕，斬然似新浴。
日暮天微寒，佳人倦繡局。欲倚翠袖薄，坐聽闌干曲。

桐月

桐葉飛秋來知是誰家秋嫦娥不主張穆穆月波流
秋士樹根讀對此清且幽徽徽七絃奏纖纖歌兩頭
夜永寂無聲夢破碧玉樓身騎桐花鳳逍遙廣寒遊

歸家

客中決歸計譬若獲異寶片帆疾如飛恨不解艇早
昔我辭故園梅英發素編今我歸故園榴火振豔藻
上堂拜慈顏雙慈壽且考鴻妻鬢飛蓬掃鏡眉淡掃
阿杜我嬌女繞膝覓梨棗阿宜復娶媿牽衣索爺抱
至樂係庭闈餘歡屬襁褓對此喜欲狂一笑破煩惱
紅我屋角花綠我階前草菡萏團我屏芙蓉啟我棹

淪茗鬪雨前茶白隔竹搥沽酒忘劇飲百壺玉山倒
囊橐縱羞澀頗富新詩稿鄰里來問訊猥云好好好
此中饒真趣輟欲于焉老奈何龍受秦偏效馬戀阜
區區升斗許鹿鹿紅塵道明朝唱驪歌使我憂心悄

食筍



驚蟄雷一鼓諸生蕩蠢蠢燕子倏已飛滿林茁春筍
離離綠坡中連畦更接畛近市價頗廉飽噉不患窘
截斷青琅玕鼎烹竅蚯蚓聞香已垂涎雙目側鷹隼
到口真破竹齒牙利干盾淡宜先生饌貪任夫子哂
玉版老頭陀禪味參不盡錦綉脫稚子嬌脆且靈敏

乍如陶孟詩咀嚼耐尋引又如顏柳書筋骨並適際
方笑肉食鄙誰復羨歸脰未暇舍朱櫻寧遑煮雪菌
嗜好因人殊厭飲排日準甘中亦備苦酸飴氣却泯
千畝入胸次滿腹撐籜筍籜龍訟饕餮稱寬曷足憫
家鄉風味美棄去非所忍作詩以紀之終歲自研吮

食蟹

右手持盃酒左手持螯蟹足了一生矣此語頗脫灑
圖經十二種醜類亦甚夥漁燈照郭索爬沙疑書楷
跛行苦不前蹒跚笑鐵枒戈甲忽相向威武等衣解
乍游百沸中探湯斗覺駭其奈風味好壯士顏輒解

出釜唾已乾登盤身猶擺雙螯脆如玉一背硬於鑽
黃流金膏液啜臍勝吮孺筮坤變雷雨于茲得易解
速令開老甕脫帽阮孚矮長鯨吸百川朝宗滙渤海
輪困恣大嚼碎碎鞞鼓賊襟袖何淋漓秋風捲颯躩
從此賤魚肉寧復戀苦蕒狼籍到薑汁采菊盟手罷
勿嗤老饕饒吳儂真痴騃餘勇尚可賈明朝吾更賈

別家

叩首復叩首登堂別父母飢來驅兒去四方以餬口
願親日康寧願親登耆耇不日兒旋歸洗學為上壽
親言一何溫語語銘座右兒今作客去奚問主誰某

青鳥銜紅巾白雲變蒼狗安能鴻鵠飛未免牛馬走
志士值窮途所貴能忍垢不竭人之歡交情以耐久
三復宣尼言人薄躬自厚免行慎勿忘庶可獲升斗
此外事鑽肩油鹽雜蔥韭采蘭供饌餼承歡恃健婦
迴頭顧鴻妻閨中獲良友我行方役役行善事姑舅
如何奉梓杆如何供箕帚如何嘗甘旨如何潔澆滄
婦言重唧唧感輒呼負負君今作客去斯事敢辭咎
自妾入君家所操勤井臼難為無米炊硯田抵農畝
丈夫志桑蓬意氣軼鯨吼豈效細酸子埋頭老戶牖
年年將離草歲歲送行柳但逢桃李花行念糟糠偶

珍重千金軀毋或使嗽嘔如念小兒女郵言平安否
兩女亦明珠愛之等瓊玖女勿辜爺衣聽爺釋女手
書聲要清朗字義貴分割慎勿毀筆墨慎勿弄尊卣
女言復痴黠頗會甘詞誘爺今作客去十欲買八九
乾果乞棗栗鮮物乞菱藕買巾欲繡花買衣欲垂綬
數者雅所好倘勿化烏有不獨入學堂循循規矩守
一日一思爺一日一錢受願爺早歸來為沽洗塵酒

納涼

去夏火坑居今年冰窖坐共荷造化甄頃獨何能那
趨炎而附熱天意世情作臣心原如水閉戶乃自大

何必處龍穴安用即獅座龍從豆一架瀟灑竹兩個
盆吹魚浪翻凡落燕泥泥赤脚雙履脫平頭大扇鮫
念慮歸寂靜筋骨弛怠惰到處都清涼毋為枉坎坷
深柳開書堂郵筒結詩課一壺復一觴一唱或一和
彼美廷豪英之子獲切磋舊雨倘不來新涼亦自賀
小人况懷土君子焉可貸人苦祝融酷我樂袁安餓
端居天門開長嘯鬼膽破無心趕熱標有意燒冷銚
蓮遠塵不染蘭隱芳自播赫々趙盾威勦々陶潛卧
迴首炙手處十行九折挫相逢襪子去々不顧唾
長風來高松科頭踞其左白眼看世人百沸蟻旋磨

進山出山

鋒車駿馬雲中跑，勢若欲與山爭高。
高巍巍遠插天，攬身已上青雲顛。
自謂作伴烟霞客，姓名可注蓬萊籍。
倏忽中途風引還，飛行不到三神山。
羊腸鳥道路百盤，縷幽出險心膽寒。
迴鞭敲磴行復止，水齧齧兮石齒齒。
吁嗟乎！上山遲遲下山速，世路崎嶇看爛熟。
歸來歸來宰官身，從今羞踏軟紅塵。

四悲詩

悲鳳鳥，鳳鳥翔八表，翱翔遊人間。
世人間無天老，盲瞽罕所見，舍旃勿足道。
攬輝無如日月黑，搖翅但覺乾。

坤小梧桐枝枯竹實槁節節足足空山叫鳳凰
鷓鴣鳴飽鳳凰哭燕雀笑丈夫落魄亦偶然造化小兒自
顛倒起羣志氣尚矯矯此物終為人世寶嗚呼一歌
兮悲鳳鳥歌畢使我心煩惱山雞舞鏡逞羽毛那得
文章似爾好

悲寶劍寶劍齧紫電拔鞘鬼氣侵開匣妖血濺儒生
獨寶此提攜隨琴卷愛之劇於十五女一日摩挲三
百遍風雨牀頭鳴鏗鏗似泣英雄長貧賤鐵花繡出
土花絢蛟螭蟠拏龍幻變風胡已死薛燭沒縱有利
器無從見嗚呼二歌兮悲寶劍歌畢使我心憤怨繞

指之柔亦可憐吾寧守爾鋼百鍊

悲駿馬駿馬出果下雙瞳光射綠四足汗流赭一心
成大功所恨賞識寡燕昭不築黃金臺伯樂不過冀
北野指駕為駿駿為駕那更風塵分真假草一束豆
一把長鞭答短策打筋疲骨挫枯如柴鹽車九坂猶
跣跣北風嘶酸悲入雲昂首呼天天亦啞嗚呼三歌
兮悲駿馬歌畢使我憂心寫人人天閑備法駕爾獨
胡為沈塗者

悲美玉美玉駕結綠抱璞含太古珞珞復碌碌沈淪
沙礫間瞽盡一世目巧匠持斤斲山骨石破天驚虹

光燭帝忘此玉靈且淑藏諸匣積代桎梏熊羆七尺
珍不如五斗穀魂魂千金壁不如一斛粟璫璜武夫
多混淆莫向駟僮求市鬻深山大澤龍蛇蟠爾玉何
妨且蟄伏嗚呼四歌兮悲美玉歌畢使我憂心曲好
語下和勿欲速途窮按劍恐爾辱

挽胡丈佛眉

瑶池波翻玉山頽鳳皇哭出聲聲哀老烏渴死老蟾
蝕南極一宿光徒黑丈人英年才翩翩笑織龍梭錦
千篇金馬未奏凌雲策袖手經綸聚歎息春風風人
溫且柔雅潔不讓古人修上帝曰余戲爾穀賜與山

林之清福繞屋栽花花為鄰耆英會裏扶鳩人二酉
名山九經庫鏐虹寶典九苑守護輞川裴迪初來時伯
兮仲兮吹埴篥主人賢豪客不惡絡繹銀杯勸不落
侈願且任三千歲好與東坡共把袂胡然遽作石曼
卿老去管領芙蓉城斯人雖去斯文在尚喜令名留
千載賤子自是孤飛鴻風流頓盡憂心沖故人泉臺
如攜手寄語卯君問好否吁嗟乎停雲渺渺舊雨寂
想像儀型不可覲誰使張融滿眼淚點滴迸入山陽
一枝笛

病驥歌為參軍張旗山世丈作

有驥有驥來浙右超軼絕塵兼牝牡志氣倣儻精權
奇一日千里坂達九南方自古患水溼暑熱蒸之復
易受浸淫筋脈骨肉間便覺繫、柳生肘凹如隱、
瀦深窪凸如隆、起高阜硬如藏狐瓜待熟腫如化
牛木耐朽坐如鳩盤幾習常立如鶴瘦難及久病如
疥駱旋轉足痲如癭龍尚昂首有腰懶向小兒折有
腹肖為將軍負睥睨笑學矍鑠翁摩挲羞從支離叟
良馬欲獲良醫難覓崙奴試華陀手混沌玄黃正苞
索抽刀胚胎應手剖自上下下血模糊振刷精神更
抖擻即看躩蹠風塵中英氣勃、生戶牖不識險阻

試瘡痍迴身每激猛虎吼春風無恙桃花韉世上凡
馬叱作狗天生奇材必大用豈忍跋前復蹙後昨喜
疴痛漸平復指顧天衢恣踐蹂原憲貧病亦可憐命
宦會臨磨竭丑嚶嚶姑效蒼蠅鳴安得附之驥尾絕
雲走

無酒歎

侵晨園林百鳥呼聲聲勸我提胡盧壁間側挂雙酒
壺拄杖予于無錢沽誇口曾說濤八斗侈心莫酬孔
千觚劇談便苦喉吻燥琢句難熬肝腸枯得非酒星
掇無乃酒泉潑醉侯遭滅沒釀玉經削奪因之塊壘

不復澆阮籍常吐吐接籬不復倒山公亦失色太平
君子折隔絕平原督郵並疏闊縱然猶剩次公狂非
此不治老羗濁好花為我虛送景明月為我照空影
花開花落能幾時月圓月缺祇俄頃對此不飲良足
惜糟邱可老宜醕酌人生百年三萬六千場奈何兀
兀一月二十九日醒我欲去從李青蓮四明賀監相
周旋鑑湖一曲今無人誰解金龜邀謫仙我欲去隨
陶淵明葛巾漉酒千杯傾送醕不見白衣來祇向籬
邊嗅落英我欲歸而謀諸婦斗酒所藏或素有婦人
之言不可聽劉伶荷鍤隨身走我欲去效司馬狂驅

車入市就陽昌春衫典盡復何有檢點中篋少鷓鴣
我欲去就吏部甕竊飲不管琳腴凍明朝執縛亦可
憐未必主人與爾共我欲往今前村賒青旗搖颺開
梨花吳姬當鑪年十五已非昔日醉眠家既鮮紅友
徒蕭條即擁黃妳轉寂寥經旬但淪苦茗煮竟日惟
熏巴菰燒腕底時慵事筆墨身邊頗厭聞笙簫渴蛻
酒垂舌卷縮醉龍乾到唇枯焦坐此不快意翬翬千
愁來湊雙眉蹙東風吹我出門去垂涎怕見麴車麴
遙看鴨頭波粼粼翠色宛似杯中醪安得六橋之水
盡變作春酒使我一口汲汲盡西江綠吁嗟牙座上客

常滿尊中酒不空斯言我曾聞孔融生平之願從同
同何況座上無客猶自可尊中無酒早殺我

紀夢

涼秋客枕疏雨闌珊俯仰生平悄焉懷宗玉
之悲俄夢入一院見鼠姑數本紅英不斷綠
葉濃扶未幾暴雨交加飄風驟至天香國色
片片作落花飛也而如怨如訴花有不能勝
者既寤燈影幢幢簷滴猶咽慨浮生之若夢
嗟薄命而為花歎息彌襟浩歌自解
人生大抵如夢耳夢中滋味類如此禁也何喜悴何

悲所貴達觀而已矣侏儒何為能欲死歲星何為飢
欲死磴磴輒作不平鳴小夫殆未解其理豈知人在
憂患中便如花落風雨裏姚黃歐碧好顏色一委泥
沙飛不起雕闌拋撇繡幃空轉眼世情若流水明年
東皇重回顧花之富貴還應爾盛衰常理不足怪齷
齷肯效兒女子蕉如可覆無乃愚梁猶未熟亦太詭
曷若舞青萍彈綠綺樽中紅友美且旨任教零風碎
雨夢魂駛低頭不到崔家老處士

美人吸煙歌

深閨沈沈閉清晝薰鑪茗椀午倦繡美人如花隔雲

霧珠簾密約風不透朱櫻口喫青蓮花幾縷煙絲裊
鳳味芳馨郁烈齒牙馥一噴一醒雙眉皺鏡臺冥濛
不分明照影時時拂羅袖檐楹繚繞漲蛛網秋波盈
盈嬌欲溜乍疑紫玉吳宮飛六幅留仙裙褶縐前生
將毋步非煙不向人間含豈蕊可憐此草名相思弟怎
奈儂因相思瘦寸心火熱難成灰喃喃還將鴟鬢呪
何如吹夢入陽臺幻作雨雲謊楚岫從此心醉旣檀
郎唾謔嬌香暗裏顛

有美篇呈桂蔭家兄

有美人兮清而揚平居慣作雀家妝掃盡燕支與螺

黛欲以素質摘芬芳眉痕真同絳仙秀肌理宛似合
德香天然國色迴絕麗丰姿綽約非尋常十三學歌
聲遏雲珠喉嚨嚦嚦嬌鶯簧十四學舞列掌中弓腰帖
地嬉春陽雙鬟盈盈十五六手能提筆摹鍾王自從
十七至二十錦心繡口工文章偶來踏青南陌頭蕩
子一見神傍徨將雉作媒強納聘定情非復瓊琳琅
紅顏自是妾命薄遇人不淑夫不良朝來呼婦夕棄
婦斯乃烏合非鴛鴦一時偶然張與角兩人遽爾參
與高濃原縮成同心帶彼自翦破合歡囊登堂決絕
歸去來為花作合蜂蝶忙婚姻配匹非苟然從今此

事須評量不作吳宮三千女不託鮑家十一娘不願
才人嫁廝養不肯匈奴降毛嫱輕薄不逐魏收蝶私
奔不挑相如凰但使漢家作金屋果如盧家樓玳梁
鮮羅四垂紅珠帳畫柱雙立紫檀牀被我芙蓉之裳
裾飲我萱蔻之香湯鼓我朱絲之清瑟解我素月之
明璫庶幾勿虛鳧雁弋自爾非復雞犬將不然一誤
或再誤適彼天壤之王郎西施不入館娃宮怎可說
紗耶溪旁春風幾度悲逝水此時未免標梅傷爭如
阿姊有姊夫糟糠之妻不下堂

逐瘡鬼歌

我身早為窮鬼竊何物瘡鬼敢來穴貧來順受心所
甘无妄之疾須斬絕窮鬼崇人祇以寒瘡鬼翻寒作
潮熱無端忽忽輒欲眠天旋地轉頭眩絕口欲食而
哽咽足欲行而蹉跌四肢震如雷崩兩眼射如電瞥
斯時文魔酒魔並摧折九影五臟之神皆虛設惟有
窮鬼頗齧々尋思唇亡齒寒何處頓軌轍抱此窮骨
森離奇厥傲足與老瘡埒竟日相磨不相容兩軍一
鼓已成列未幾瘡鬼戰瘡窮鬼肥齊桓之正自勝晉
文譎陡覺壯氣升剛陽決猛犴々怒烈々玄華髮指
虛監目裂不操葦索不陳桃茆我有不律三寸鐵青

鋒燿之隻手掣刃此小鬼擲以食饕饕拔鬼舌漉鬼
血長嘯一聲鬼膽抉霍然而汗瘧鬼滅魍魎鬼魁舉
莫前瘧邪已除回身除窮孽孽似不知有所畏嘖嘖
偏若有陳說如君豈長貧賤耶時來不送自告別以
鬼治鬼之不侵窮乃瘵病之丹驅邪訣已復大笑爭
擲揄我亦起舞心歡悅嗟乎從來窮鬼之中多豪傑
瘧鬼瘧鬼若輩不足當一訣

宿文昌宮紀夢

折

秋月輝兮閒庭秋風扇兮疏櫺寶幌燼兮鑪赭玉蟲
綴兮燈青天耿之兮未曙夜漫之兮長歎偕鯢鵬兮

同運忍鷓鴣兮自安張修阻兮若王美展謁兮文昌

同運忍鷓鴣兮自安悵修阻兮君王羗展謂兮文昌
依稀涉兮金馬彷彿升兮玉堂夢帝君兮告余而尚
葆兮堅貞曷出山兮在山惟屏濁兮守清爰輾轉兮
不寤味斯言兮悄然庶砥礪兮自潔允無背兮真詮
雁籟兮兮度曉蜩唧唧兮鳴秋指神靈兮盟心余將
申兮姱修

喫飯難行

寫伍公廟道人炊飯未熟以進食不下咽感
而作此

世間喫飯第一大難事所以既生燧人乃復生后稷

火炎上稼作甘人人可以饜其腹然而後來宣尼一
餓千古聖人尚減色何況仲尼之徒言仁言義言道
德飢來舐毫渴來吮墨縱使朝一編夕一帙啣之復
啣之讀書三壁一錢不值硯田耕不結實我來自杭
三月初吉爰息我足破寺偈反盤中之米尚粒之道
人勸客加餐努力爾時牙齒焦燥喉嚨結嗇求咬菜
根不可得吐哉井上之李三咽而哇出但見豆細燈
青刀尖風黑雨聲淒楚涕淚沾臆道人道人爾勿惡
爾不敲飯後鐘我不咎爾失近來世味半生半熟亦
大率所痛男兒意氣凌八極上不能齟瓊漿於帝廷

薛玉饌於王國簪彤侍從天子蹕下不能左提綠沈
槍右挽黃金勒裏糧去守將軍律不能耕不能織不
能負販不能陶埴昂然之軀長七尺今日來燕南明
日來趙北主人曉々遊子默々仰察眉頭俯承鼻息
一旦投袂而起決去雞肋出門悵々天荆地棘劍鋌
斫折誰能拔爾胸中之磊落抑塞世無孟虧鳳皇餓
死道旁鷹酬鴻飽啞々笑其側嗚呼泰山峩々俗子
不識高賢愉々庸夫莫測他日富貴來逼願公毋忘
今日安得泰興々稷翼々大開廣廈萬間竈萬座呼
取天下賢豪長者炊好食

孟獻 疑劇孟

誰能拔爾胸中之磊落抑塞世無孟獻鳳皇鉞

薛王饌於王國簪彤侍從天子蹕下不能左提綠沈
槍右挽黃金勒裏糧去守將軍律不能耕不能織不
能負販不能陶埴昂然之軀長七尺今日來燕南明
日來趙北主人曉々遊子默々仰察眉頭俯承鼻息
一旦投袂而起決去雞肋出門悵々天荆地棘劍鉞
死道旁鷹酬鴻飽啞々笑其側嗚呼泰山峩々俗子
不識高賢愉々庸夫莫測他日富貴來逼願公毋忘
今日安得泰與々稷翼々大開廣廈萬間竈萬座呼
取天下賢豪長者炊好食

七君詠

閒居鮮偶徵得六客一孫行者一李逵一張
太公一貂蟬一紅娘一黛玉昔歐陽子於五
一中加一為六一余於六一中加一不將為
七一乎因綴七一主人於末各贈以詩而見
者之一笑勿與焉

萬事都從一心幻一心都緣萬事散天君一旦失其
尊七十二變總是一個欲降不得之猢猻爾心而未
平潑猴因念成妖精爾心而既定潑猴克念即大聖
莫說鬧了天宮并龍宮原來尚在我佛菩薩手掌中

但使人人拿住五行山下孫行者五百年後恒河沙
衆都到西方極樂世界也

右孫行者

我聞水滸一百八個皆英雄其中乃有黑旋風氣高
萬夫心孩童腰間赫々兩板斧目中早無沂嶺虎戲
弄晁宋如愚魯生平嗜好慣殺人殺人之中見天真
淋漓血性走鬼神或以為白日之妖魔我以為綠林
之彌陀善哉大慈大悲李大哥

右李逵

勸蔡母勸蔡翁先以棄親逼蔡邕彼何人哉張太公

哭蔡母哭蔡翁後以不孝責蔡邕彼何人哉張太公
誰使五娘養蔡母養蔡翁有蔡邕而無蔡邕彼何人
哉張太公誰使五娘葬蔡母葬蔡翁無蔡邕而有蔡
邕彼何人哉張太公嗚呼我思張太公

右張太公

君不見漢家祖功宗德數十傳化為靈氣鍾山川帝
心欲將漢祚一綫纏驚天動地來貂蟬瑣、姻媼不
足數生平羞與喬等伍前有良信後彭武英雄美人
並千古朝為司徒女暮作太師妻不爾誰將燈然臍
朝為太師妻暮叫溫侯夫纖手來縛小於菟不枉傾

城傾國色色可傾國亦報國惜哉後來不入鄴臺殺
曹賊手提漢鼎擲還劉玄德當時漢臣文武拖青紫
若個可任漢室使漢廷諸公應愧死小婢尚識漢天
子

右貂蟬

老夫人慣撒假張生歎鶯、詐詭撮合紅娘姐紅娘
雖居裙釵中芳心朵、花玲瓏便是一座七寶琉璃
之屏風况有肝腸俠客同任事不欲居為功直與白
馬將軍爭豪雄世上那有此解人即有解人亦非真
我但引領紅娘來相扶不復去覓崑崙奴安能促、

仰著公卿士大夫

右紅娘

天自無情天不死天何為生瀟湘之妃子孽海掀翻
情波顛詎人眼裏好放此吐哉擗了頭翩然來向人
間遊甘擔萬古之愁一人愁倒挽孽海之水十二萬
頃逆作血淚雙波流一個眇道士一個跛和尚一盤
託出風月帳葬花人同茶花一樣嗒黛玉勿妬寶阿姊
勿怨寶阿叔快些放聲大哭認取本來面目從今生
生休相思相思到底終成痴雖然就使痴了也何妨
請看今日天下有情無情郎誰不疼殺咱家林姑娘

右黛玉

躲入書中飽為魚跳入酒裏醉作蛆有時剽竊作大
盜盜取苞符之靈與狡獪乃被天帝嗅謫向清風明
月為閒人羞從東家妝妖嬈熱血一斗不可澆必逢
佳士真知我提出心肝似亦可喁々未免兒女私願
仗佛力懺悔之合之則為一離之則為七於時主人
惺々如江漢之載浮萍六客冥々如果言臍之與螟蛉
請皆放開雙眼青認取澄倒乾坤一懃亭

右七一主人

題攜琴聽瀑圖

子雲居子猷竹桐籬、松謖、攜素琴聽飛瀑佳公
子人如玉隱道棲匡廬讀摩詰川子真谷三徑開數
椽築峩、山娛君目湯、水濯君足愚者曰箕顛族
智者曰磻涓躅匪枕流待薰沐匪沈淵俟禱祝知音
來奏絕俗左手撥絃右轉軸紉雲歌兮迴風曲凍肝
臙兮滌心腹

題徐秋崖翁小照

君不見孫登長嘯振林泉撫琴動操衆山皆崩騫又
不見林逋高隱孤峰巔閒居放鶴冲霄凌青烟我從
去年當湖挂片席當湖湖水熱、清且連翁名卓躒

久矣雷貫耳投刺請謁欲見心拳。是時李邕願識
面尚恨三生石上無因緣。今披此圖始得見顏色人
言世上未有如公蹟。銖視一官瓠繫不足戀。葆光韜
采嘉遯全其天。有琴亦不彈。鍾期往矣伯牙無人憐。
有鶴亦不舞。天衢險巖未必容。胎仙頽然玉立掃盡
塵中慮。精神矍鑠直疑古。偃佺賤子攫之醪。之頗會
意陶令無絲撫。弄東籬邊客來往往貽笑。羊公鶴兩
翮何能臨風舞。翩躚平生慣。參醖醑米汁佛一飲三
百醉。龍酣高眠翁曾與余共此黃蘗癖。恨不提壺挈
榼相周旋。勸翁勿學趙清獻。勸翁且學李青蓮。此琴

已非皇義紘此鶴不知帝堯年坐令朱顏成白髮恒
河沙剝剝那遷何如碎翁之琴縱翁鶴呼童十千沽
酒醉傲張顛顛

近體詩

山行過雨

涼風吹習習落葉滿山飛去每隨雲出來還冒雨歸
苔深休借屐樹密不沾衣行盡復回顧煙光沐翠微

舟次臨平二首

放艇臨平路初冬薄暮天寒光抱塔際蒼景落帆前
入定山疑衲凌虛水欲仙撫心驚逝者飄泊感華年

夕靄黯然收歸與一葉舟買魚紅葉市呼鴨白蘋洲
月小高逾潔煙寒淡不流頻年同梗泛身世等浮漚
和陳玉珊同門元韻并呈陸大芷江

樂與素心者神交到古人秋風聯雁影春浪破龍鱗

時將春試錄賦工又手箋經富等身愧余才碌々臭味喜

同真

春日閒居雜詩三十首用上下平韻

不復寄鵝籠蝸廬拓半弓春來花解語閒借酒治聾
未許琴逢蔡何妨劍在豐斗升終待覓怕作可憐蟲
人盡好彌縫而余磊落胸倦歸遊粟里懶去客臨邛

錫飲簫方咽茶香鼓又繁華胥真自在不覺日高春
空谷足音足幽棲敢擬龐參閒銜水鴿檻外守書
龍
細雨催紅杏輕煙護綠江眼前無俗累制得毒龍降
無事詠虞虜狂吟續五噫頻年揮麈尾斯世薄皋比
祿養遲毛義謀生愧范蠡轉蓬飄不定最怕是風姨
亭午掩柴扉依、篆縷翻讐言文聲帝虎聯句叶妃
旃
贈芍懲游洧懷蘭羨浴沂家園好風味筍脆又莖肥
息意杜羣狙鄉關得所於牆陰披薜荔庭角戰稜櫚
談劇仍捫虱尊浮欲泛蛆竚看新月上招手引方諸
春色滿平蕪春光到鼠姑柳香黏蜚翅花氣噴蜂鬚

世態馬非馬人情鳥不鳥鬢絲禪榻畔聊爾效浮屠
野水綠平隄微鳧更逐鷺不為走險鹿寧等觸藩執
甘自常披葛依人肯戀緜蜀來無定所蹤迹是鴻泥
連日接陰霾苔痕一經理地鑪煨種芋古銚爨枯黠
鳴欬風雲氣蕭寥土木骸待扶紅旭上整理踏青鞋
絕足試崔嵬能無我馬虺幾番充熟客半世弄泥孩
別浦魚求媵平原雉待媒卅年仍落魄撚指已予思
所衣是懸鷄相依每涸鱗窮愁從鬼笑傲魄任天瞋
作賦追遊洛臨文鄙劇秦此時擬投筆早禿筆頭篋
且自惜勞筋挑燈課左芬由基心解射王爾手無斤

柳絮春波舫梨花暮雨墳紅綾韋餅餃依舊一劉蕡
暇便察雞豚寒酸咬菜根雅宜蘭結友佇看竹添孫
好著鹿皮帽還穿犢鼻禪鄰翁如有召遮莫訝齊髡
春事易闌珊陰晴換幾般客來燒茗若人靜蒸旃檀
詎便忘樵斧何曾戀釣竿英雄增浩歎脾肉已生寬
清晝烏綿蠻庭除草不刪展圖山冶豔說法石癡頑
曷羨三刀益寧貪九府園盈樹書可讀不用問鄉孃
展翅入黃乾迴颺落紙爲無方醫俗眼未會豎盲拳
委瑣襴衡刺飛揚祖逖鞭貧家春亦富滿地簸榆錢
囊罄莫心焦瓶空詎腹枵鼓襲庭內樂屏絕市中嘉

鳩集因攻鵠魚穿待聘貓駕言出遊者或恐遇山魃
庭戶冒燔烟雲遊倦打包靜觀常墨々雅謔亦整々
呼吸天邊籟浮沈水上泡駕摩經一卷研露手親鈔
齷齪豈吾曹無他立脚牢履忘東郭破目炫北宮逃
律已無妨酷咀文不礙饕那堪磨碎鐵到處作輪尻
天地一行窩春秋一刹那交遊梅御史性命麴頭陀
新婦嫁廝養郎君笑阿婆朝來聽鳥語行不得哥々
繞屋柳排衙晨昏羯鼓過馳驅疲跛僕呼喝嚇痴了
比舍迎何媚叢祠賽苑容玄亭偏寂々問字少侯芭
粟歉價多昂盈軒栽米囊會須天玉女願祝歲金穰

世盡工狐媚人惟畏虎狼但分雁鳧粒且自食粃糠
凹硯石微頰牙籤萬葉撐簾鉤垂乙乙棋局拍丁丁
寵逼耽書妳驕矜遜孔兄十年宏著作敢笑此間儻
攀翼附螭螟飛身逐鶴鷁徒然勞碌、誰復惜惺、
守業思磨鏡棲真羨隱瓶清風為枕柵一粟渺滄溟
潦倒舊行膝來參最上乘香痕黏履齒墨瀟灑衣袂
蕪壘堪容膝烏皮屨曲肱生涯何所似大布與麤繒
我自溷蚍蜉誰能幻獼猴壯哉容矍鑠辰也志疇瘳
抱質慚樗櫟程材鄙勃漫驪歌且莫唱鳴鳥尚鉤輶
幾日散愁雲開絨曝露蟬迴心收阮哭處事學皋喑

薄檢三分鼎投報九孔鹹庶乎他日者無忝邑中黔

薄險三分鼎投報九孔鍼庶乎他日者無忝邑中黔
上巳日三三餘春僅尾婪芳辰同嫁杏令節過傳柑
撲鼻紅香盞迴眸綠意酣忘憂藉何物草合種宜男
攤飯倦厭々遽然夢黑甜醒來鶯覘晚喚起燕呢喃
排悶惟書卷謀生雜米鹽衡門雖寂々強勝道遠淹
何必定魚饒終難免烏鵲偶然返孤棹不久託長鏡
雨霽思調馬風來欲挂帆湖山佳麗地行著舊征衫

寒食即事

小寒食至獨徘徊香壓荼蘼酒半杯火冷石泉銷舊
夢煙輕蠟炬待新裁韶華漸逐花朝去麗景都迎上

已來爭奈仙源桃懶放
阮郎何處訪天台

焚香夜坐

猊鼎香煙永夕留
玉壺催箭抱銀虬
畫簾細護煙痕
織紙帳濃熏煖氣
浮鶴夢吟呼雲出岫
蟾光寒吐月
當樓置身恍在華嚴界
便是梅花也可修

秋水

秋來水勢漸盈，
搖漾中流一鏡平
淡到半痕無可
唾澄來萬象有餘清
江鄉月冷聯鷗夢
沙嶼風高落雁聲
記否個人臨去後
橫波轉處最關情

觀潮

潮頭百丈海門迴
倏忽翻身一鏡開
萬馬奔馳緣北

潮頭百丈海門迴倏忽翻身一鏡開萬馬奔馳緣北
走六鼉飛舞望西來浪花袞々團驚雪波影淙々駕
疾雷咫尺三山如可到憑誰指點入蓬萊

戲詠高底

書

意匠玲瓏鬪豔妝效顰心事太周詳紅蓮樣減三分
窄綠草裙添一寸長無力扶持偏惱婢小心收拾也
瞞郎行來但覺聲々慢倚遍闌干懶轉廊

有贈

浙

玉宇無塵渡絳河會仙石上會仙娥心憐挽我肌凝
雪眉語傳人眼送波織錦書空纏白雁生花筆欲點

青螺向來總被功名賺楊柳春風別淚多

秋聲八首用工部秋興韻

不住蛩吟秋樹林聽來聲總帶秋森一梳壁月縈青
草幾翦金風鏤綠陰哀咽客垂無限淚怒鳴我有不
平心閒尊且展離騷讀遠水遙傳嬖女砧

蛩聲

萬里征雲旅雁斜一聲聲似感年華排天人字通閨
信異地鄉音送使槎南去翻成湘水瑟北來迸入塞
樓笳可憐最是孤飛羽嘹唳萍花與蓼花

兄漱厂故
經年矣

雁聲

橫吹秋角落斜暉日暮聲流感物微喚起城頭烏亂

舞驚開堞畔雉矛飛登樓王粲心靡樂投筆班超願
已違卻幸太平征戰息九邊烽靖馬矛肥

角聲

深溪不博婦姑棋搗練砧聲意獨悲隴上鐵衣寒到
處閨中玉杵冷敲時風高水闊音彌遠月落參橫響
轉遲同是飄零羈旅客何人不動故園思

砧聲

海門一綫走濤頭捲入風聲萬斛秋繡弩錢王雄振
武素車伍相慘吞愁壯懷八月飛青駁涼夢三更破
白鷗爭奈移情人自遠停琴遙想古萊州

船山師時
任萊州守

濤聲

土囊風緊嘯空山聲在蕭疏黯淡間極浦呼迴銀漢

棹平沙吼度玉門關疾馳勁草中嚴令散入垂楊警
舊顏獨羨扶搖上閭闔九霄身接五雲班

風聲

榮落誰為造化功葉聲吹冷入庭中花需春放還沾
露柯到秋辭莫怨風水野乾喧鴉影黑山程碎噉馬
蹄紅洞庭歸去布帆穩衣鉢吾師是釣翁

葉聲

迴環竹徑綠逶迤疑是騰聲化葛陂曉去爽吹雙鳳
管夜來寒嚼老龍枝旋驚晉苑車初過俄訝湘江佩
乍移日暮此君猶可倚盈翠袖一為垂

竹聲

春暮雜感二首

蜨倦香房蜂退衙傷春強半是思家五更雨外催歸

烏三月風前薄命花遊子浮萍飄水末美人香草隔
天涯料無好信連朝至屢試匆匆尼報總差
迢迢送盡賣錫天自笑平生類紙鳶四海空囊榆散
芙蓉牀襪被柳裝絲狂夫意氣銷平日久客情懷怕
閨年又是黃昏人寂寂月來篩影綠窗圓

促牡丹

已教翠幔捲高堂想殺園林鶯燕忙不是花王忘檢
點定應妃子倦梳妝似羞人處猶遮面未見卿時足
斷腸玉佩金裙休宛轉好將消息慰思量

誌別

茲行何事又匆匆，不盡離愁是別衷。
脈脈臨歧雙淚落，喃喃密語兩心通。
溪邊細雨移輕鷁，天際浮雲入遠鴻。
祇在碧波紅樹裏，相期今夜夢魂中。

輓馬母陸恭人四首

璇閨玉映抱冰清，望族雲間舊有聲。
詠絮一庭陪鯉對，結蘿卅載守雞鳴。
儉勤克相家風在，寬肅兼宜壺政成。
無那黃衫飛轡香，寒烟蕭索隱蜺旌。

娥臺斂照女宗亡，流澤依然馥管篁。
萱冷暉顏堂背日，梅孤鶴返嶺頭霜。
旋移鳳吹瓊簫寂，乍引鸞軒寶瑟涼。
從此徽音安所仰，枉教萊子淚沾裳。

絳紗授業湘宣文佐讀丸熊課夜分燕翼幾經勞
狀畫龍媒竚看蹴蘭筋榮邀薇舍三霄露寵育芝函五
朵雲更有孫枝爭茁秀後人還自誦清芬

賑粟捐祖世德延積仁應爾享喬年靈山禱祝羣呼
佛瑤水徘徊竟作仙門內從來遵郝法道旁猶是說
歐賢短章慚愧同蒿里彤管終留國史編

牡丹

片片芳雲驛彩霞春深門巷綠陰遮繡衾覆卧投雙
珮寶帳迎歸閉九華入座喜教添貴客捲簾忘卻是
貧家生平一種憐花意有箇卿、不要花

割取瑤遙天百丈霞散成仙蕊鶴翎遮燈前擁髻疑通

德鏡裏催妝賽麗華一代豪奢開魏相十分頑豔屬
楊家當年莫赴沈香召誰省青蓮筆底花

紅光簇簇落天霞生受高堂翠幔遮穀雨做寒還冷
落春風到老越繁華開須賓友歡同席種得兒孫福
幾家錦繡屏開爭豔々笑他餓眼欲生花

台山且莫侈桃霞上苑休誇杏纈遮天為美人多命
薄春如名士富才華風流獨爾居全勝品格依然到
大家爭向花王甘折節不知臣否到梅花

春杪卜宅牡丹盛開余既不克躬覽厥勝已而

一唱百和珠零錦絮各極其妍余又以疏懶
藏拙頃者歲云秋矣徵詩於余辭不獲命因
成四律以附諸君子後塵

一軍獨冠綺羅中合使羣芳拜下風守到高華辭淡
泊翻因持重欠玲瓏何曾弱質悲貧賤儘許凡葩競
拙工只恨與花緣淺薄趨承未及見王公

衆仙高詠一堂中花國微聞及檜風倚檻有香皆綺
旒題箋無字不玲瓏如花才富知誰敵似我詩窮愧
末工半是疏慵半是拙向來閤筆為羣公

蕭々木葉萬山中一陣繁華逐曉風秋意乍離魂縹

縵春心未斷，竅玲瓏品，尊卓絕。天然貴色，耐開遲分。
外工畢竟無從趨，熱處誰云。天道最持公。

仙葩常在夢魂中，欲見檀心，等捕風金縷，亂翻裙衩。
予玉聲徐聽，佩玲瓏煙雲易逝，隨流水。雨露深恩，仗
化工花若有知，應念我聞時來訪主人公。

次馬荅海皴雲石元韻四首

夙因慧眼識奇材，為撥雲根到石隈。靈物未全埋草
莽，珍題尚可辨桃萊。摩挲去洗金龍駁，拂拭來扶玉
馬隕。弔古好憑觚，勝筆巍然獨立，重徘徊。訪石

瘦透端居最上流，奇峰相貶素心酬。失聲白壁從君

請拱手青山屬主謀頑石世因前輩重開雲天為替昔
人留髯蘇許割仇池愛好納須彌入芥舟 贈石

遺迹蒼涼百十年欲從投水滌塵緣支機莫認張騫
使拂袖遙知米芾船半艇石裝安作枕一帆雲影薄
於縣祇看彼岸邀登處別有壺中小洞天 戴石

奇珍遺聘已經三十笏名園百尺嵐君自點頭甘面
北我從拜手學和南迴峰遠縮青千嶂照水寒凝碧
一潭鬢鬚是雲還是石高齋宜署憇雲庵 供石

再疊前韻

天生柱石廟廊材零落山隈又水隈蹤跡自韜大隱

洞情懷如結小蓬萊將軍慷慨同沈晦老子婆娑忽
廢墮物換星移曾幾度嵯峨不墮轉輪迴 訪石

紫腴交割到名流憑是連城價莫酬古碣倒巖神鬼
護平泉翻薄子孫謀幾番風雨交情變一柱乾坤小

刻留珍重臨歧嘉惠意攜歸不數玉瑤舟 贈石

流水平橋鶴憶年龍邱特秀潮前緣友從交後應須
涉况豈呼來不上船雨檣移山噴瀑布半篙劃水漾
兜繇更無精衛填波憾去補園中一角天 載石

松竹梅曾友到三更招百丈拓層嵐最宜位置北山
北若問家居南海南清隱妙香除佛座空明華月印

仙尊知他風骨峻增甚不貯陶庵定郡庵 供石

仙潭知他風骨峻增甚不貯陶庵定邵庵 供石

詠茉莉花籃二首

玉肌翠袖抱冰霜一簇筠籃萬朵藏不似梅花甘冷
淡偏宜修竹貯清涼雕梁日落疏、影閉帳風過細
細香儘有芳馨憑領略不須移近枕函傍

巧樣花籃七寶裝濃情占斷小南強丁年吳苑燈船
夢子夜秦淮畫閣妝繡結同心牽女手珠球密意挂
人腸可憐此日貧家婦尚飼紅蠶綠滿筐

豔情四首用迴文體

從來獨擅好姿容口似櫻朱面似蓉縫罷乍開裙簇

蝶照餘常拂鏡盤龍慵多倦畫雙眉淺別久歡迎一
笑濃懷懊莫須歌夜半穠華寶帳閉重重

佳人是處倒中懷暮景清光日照潛排影共棲鷦翼
比對鳴同和鳳聲諧釵鬆喚婢邀彈燭被展白郎索
鞞鞋骸瘦最多憐愛處意借臧與爾庶憂埋

圓腰小減遜楊肥掌上應教逐燕飛依體恰分芳膩
滑蕩魂徐辨暗香翻霏迴雨足縈華褥約住雲頭納
錦幃微夢覺來思潤渴菲菲唾點落珠璣

顏華好省眼波彎擁榻虛窗午睡還刪舊草枝黏轉
履簇新花朵摘簪環斑痕汗透金胸袜暖氣脂融玉

履巖新花朵摘簪環斑痕汗透金胎
指環閑極卻無塵累染頑癡半雜笑談間

春情

玉樓睡起恨無涯日射紗窗影半斜
掃徑落紅花滿地可憐飄泊似兒家

蘇小墓

油壁香車何處去回頭松柏自森森
門前幸有西泠水留照儂家一片心

修川競渡

浙

江

圖

書

遊人買棹正招邀錦纜低牽放畫橈
人影衣香波似鏡綠楊深隱小紅橋

秋海棠

紅闌干護綠窗紗
霜濃陰一徑遮
最是涼秋風雨
裏斷腸人看斷腸花

夜抵武林

略通蟹斲又漁磯
打槳頻驚白鷺飛
一夜西風眠未
穩吳歌高唱櫓聲低

曉起口占

晰々窗櫺漸有光
玉雞喚日出博桑
零鐘斷鼓銷殘
夢孤負新秋一味涼

憶蕪城曲

月踰陽臺一片雲
竹西曾與照紅裙
天然對影成雙

月踰陽臺一片雲竹西曾與照紅裙天然對影成雙
壁說到揚州剛二分

底事迷樓沈宵娘碧桃花裏紫遊韉三生領略樊川
夢不作當年李十郎

送郎直到揚子津匆匆去踏軟紅塵江南江北春歸
近笑指梅花作證因

元龍去後嬾憑樓誰道湖名尚莫愁聽度花深深一
曲珠簾不捲倦梳頭

郎情儂意兩心同迢隔時時來夢中郎自浮蹤慣萍
絮那堪儂到落花風

梁燕分飛影判雙鏡臺塵黠綠紗窗此身恨不化江
水隨著邗江沂浙江

愁絕還憐客舍羈庭前花竹鎮相敲關情最是隋隄
柳秋雨秋風傷別離

蕭娘一紙寄紅橋似恐檀郎怕寂寥報道小紅猶未
嫁好留低唱伴吹簫

欲償陶潛十願心他時低淺唱還斟休云名士無傾
國拚盡相如賣賦金

浙

臘尾安排賦壯行平山堂畔索卿卿渡江安用王郎
檝打槳桃根親自迎

哭五歲甥

為渠屈指為渠憐
天比童烏早四年
老鳳聲酸雛鳳
去碧梧再閨小遊仙

館

珠沈玉碎最難堪
阿士鬢齡尚帶憨
偏是西州人獨
在反措醉眼泣羊曇

紀夢二十韻

圖

一見雙成貌居然
絕世容新妝垂墮馬
古髻挽盤龍
把管吟紅藥穿針唾
碧茸脩眉描翡翠
粉面撲芙蓉
樹密初藏燕花嬌
便引蜂來原金屋
貯去已玉樓封
此意須憐我多情
莫負儂離愁牽綠柳
誓語指青松

恨寄三秋雁魂銷四壁蛩麗姝迴洛浦仙女返巫峰
但有經年別何期一夕逢藍橋窺逸態漢水接芳蹤
執手心相許無言意更濃畫屏圍面錦帳覆重重
笑取雲鬟卸催將寶帶鬆風喧三院漏雨散五更鐘
喚起雞聲急驚殘蝶夢慵前盟寧忍背後會恐無從
不覺香盈袖空教淚滿胸旁皇不成寐紅日已高春

喜陸大芷江至四十韻

冷掣龍公手空中未撒鹽闌珊寒雨凍料峭朔風嚴
昨歲雲間秀經年日下淹來摩燕闕麗去試鷓刀鋸
客路塵紅軟神交夢黑甜春天低渭樹秋水淡秦兼

自是眉常鎖端教口並箱驅愁歌玉茗取快讀香區

自是眉常鎖端教口並箱驅愁歌玉茗取快讀香奩
刻鵝文滋陋塗鴉字每嫌病餘花怯、間長草纖、
繡倦俄長綫農登罷短鎌兩雙通天鯉十二數明蟾
怪底鸚呼架驚他鵲噪檐一枝隨陸凱三益慰陶潛
乍聽心猶訝遙聞意早快阿儂剛隱几之子忽掀簾
契闊偕論昔平安迭訊僉誼投兄弟合情協主賓兼
蘭馥流衷曲蓮花燦舌尖飽歡餐為減狂喜飲忘謙
銀燭頻更跋銅壺屢報籤整分原梗轉偶叙亦萍黏
極樂悲齊贅因疑決鄭詹絕材歸驥足失計走虬髯
慷慨懷彌壯沈淪氣益恬乃趨親定省遑問世涼炎

何事貪雞肋終當展虎鈴似君真磊落而我待鍼砭
薄暮成回岫重陰逼照崦鴻飛虛弋篡雉作怕羅巖
有志期敦素無才愧織縑韓香瀕晚節趙愛竚窮閭
利想收金斷工需到石漸匪然行鹿、或者判鷄、
鷺嶺孤峰寂鴛湖細浪滌離悰斑駁遠別緒落帆添
愁嬾治宜藥幸迂拔又歛更誰資翦拂惟爾所翹瞻
絮迹從頭溯蕪詞信口占瓊瑤如不容可石顏同拈

謁伍英衛公廟二十韻

伍廟胥山頂蒼茫萬古潮瓣香瞻大殿遺烈泐前朝
絕險方離楚嚴關已過昭淒涼漁父劍忼慨市人簫

骨肉星零散英雄雪涕飄闔廬爭鼎盛載索詠車翹
圖霸功何偉鞭尸怒未消小侯輸款服上國主盟要
烏盡悲弓寂龍歸痛烏寥君王甘鹿走臣子竟鷓漂
豔煽夷光禍奸流穿髑妖城頭雙目注江上一靈招
氣作吳山壯胸吞越水遙申包他日哭文種後來驕
毅魄千秋凜忠名億載標濤痕馳白練浪底制青綃
夜月諸神護晨霞百怪朝虬簷承闕闕鴛瓦覆琳瑤
法鼓喧寒雨華旗掣迅飈聖明崇祀典俎豆奉禮祧

戲詠西廂試帖六首

偏

日高猶自睡人倦不明眸璀璨昇紅鏡朦朧隱碧幃
月眉舒乍未星眼睜還不似爾真貪睡憐渠可怕愁
玉牀春困頓銀海夢句留影逼重輪午波涵一翦秋
疎難窺洛浦光已滿秦樓怯怯低呼姐慵多嬾轉頭

露滴牡丹開

無聲濃露滴春入牡丹來液顫嬌心動膏流嫩蕊開
瀉成珠一串膠合玉雙偎蠟破香肌膩酥融豔骨頰
瓜瓢凝汁久檀暈沃津纔犀點通靈逗蜂腰撮蜜催
芙蓉寧待盟豈蕊已含胎驚愛方難定殷勤口搵腮

倩疏林你與我挂住斜暉

玉驄留不得打疊倩疏林且挂斜暉任休驚落照侵
望窮煙淡、怕到日沈、駒過憑誰繫烏飛待孰禁
直將閒草木端的惜光陰別路丁寧意離亭眷戀心
九枝餘半畧一綫縮千金車馬匆匆去相思淚滿襟

昨日繡衾香暖留春住

前歡思昨日最戀繡衾香暖氣縈鸞幌春心滯象牀
句留羈冶景小任勒韶光回首相思密關心竟體芳
良宵猶宛在越夕豈能忘熨帖柔情旣溫存細語商
鴛鴦延錦幄麝馥護花房今夜孤幃夢生憐翠被涼

詩餘

南歌子

腰半緣君瘦，眉常鎖妾愁。如何誤了大刀頭，可戀湖
山花柳尚白留。字向魚腸剖，詩憑燕足投。牡丹時
節等歡舟，怎的荼蘼開盡未歸休。

離亭燕

一棹扁舟西盪，百里逆流東漾。簸陣石尤風，也好不
奈船頭雙槳。只管促行裝，萍葉柳花飄蕩。來日度
榴，早放去日浦。蓮才賜翠袖，搵將紅淚濕。一步一增
惆悵，最是斷腸時。回首綠窗遙望。

滿江紅

密雨如絲看陣，吹來香徑。只是把心兒滴箇怎生
得定。紅杏樓邊煙影溼。綠蕉窗外風聲靜。好思鄉魂
夢斗驚迴。猶厮掙。初覩靈烏皮浮旋。浙瀝朱闌憑
撩傷春心事。一簾花縈愁入酒杯。濃易醉。慵攜遊屐
閒成病。怕黃昏又是雨。蕭蕭。恁堪聽。

前調 哭兄漱厂

半樹荆花風天矣。飄零總帳。最痛是賸墨遺編。風流
長望文陣。揮戈扛健筆。騷壇擊鉢。爭奇唱憶。當年姜
被共依。恩難忘。眼欲淚橫波。漲情莫極。高山仰
詎今日斯文天之將喪。九日長悲。黃土下千秋遺恨。

青衫上不堪聞孤雁咽寥天增惆悵

爪茉莉

玉宇迎涼甕盆土氣潤湘簾漾風蘇香孕冰肌雪骨
小領略梅花神韻便裝就素態娟娟把諸麗都抹盡
細朵玲瓏夜來越逞嬌嫩消受箇月節風印茶甌
點入旅懷好破孤悶却輸伊瓊蕊清芬幽昵偏得常
偎蟬鬢

流水高山

浙

絳河清淺碧雲深裊香煙約住花陰冰鏡冷涵秋飛
波隱隔修竹虛堂靜絃外聲沈不見光騰顧兔夢穩

樓禽但長空杳々風露逼涼襟
難尋人間那知己
枉拍碎柱玉徽金須喚取結璘仙子飛上遙岑算來
祇爾是知音到如今些子清光照我彈出秋心月兒
呵廣寒可要廣陵琴

笛家

咽住銅龍嘶停鐵馬金風旋扇珠簾半捲銀鉤控清
音裂石逸響翻波誰家院宇笛聲遙送此夜離人故
園何處曲裏鄉思動最銷魂怕聽是折柳落梅幾種
吹共涼風漸緊驚迴幽怨猿臂三啼喚起雄心龍
吟十弄繚繞天際殘星明滅淒絕倚樓人空料知桓

伊不如蕭史難引雙飛鳳
天憐取可今宵圓箇紫雲
仙夢

雙雙燕

寂々黃昏聽燕子梁間啁啾如訴
巢痕依舊翠袖紅襟故々似悵春風前度
又早是秋風歸路夢迴故國
烏衣幾處欲飛還住
祇恐湘簾難護便逆旅天涯
斜陽古渡翩然去也他日瓊樓玉柱
知傍誰家門戶
尚行念主人情愫庭前秋露如珠
且囑江郎漫賦

滿庭芳

詠螢

綠滿軒窗黃昏時候砌畔幾點零星暉
移照來傍

讀書極老我一囊歲月文章事誤卻生平哦不了之
乎者也辛苦硯田耕 深更搖曳處逃來小扇巧入
疏櫺縱風吹不斷露洗還明仗著清光照我奈渠不
及一燈青那堪耐霜清十月人共爾飄零

疏影

墨雲漲屋訝誰摹與可胸中成竹日暮天寒翠袖闌
珊寫出伴儂幽獨晶簾月破玲瓏影又風起聲敲
玉知平安才報此君宛在小紅牆曲 疊疊重重不
定涼痕移砌上冰紗窗綠漸看清陰滿紫依然葉
枝交屬數竿照比黃花瘦盼不見鳳棲鸞宿但介

人惹起相思那日共伊翦燭

隔簾聽

記得落花時節曾感花垂淚而今又被西風崇攬葉
葉聲聲一庭秋碎好點綴並翻飛謝紅辭翠階前墜
小齋幽邃入耳偏清脫浮生無意枝間贅蜨寒螢
冷悄然襟背這滋味越添了人憔悴

水調歌頭

相對一燈影拔劍舞婆婆自憐難再時日強半墨消
磨才向蓬山擘翅却又迴風倒捲人海飽風波已矣
且行樂萬事付呵呵空如磬家聲立但憑他邯鄲

夢裏便是富貴可真麼到了喫時須喫到了睡時須
睡貧也奈余何若問濟時策扣角請高歌

瑤臺第一層

一片秋聲驚夢覺蟲吟曲徑幽夜涼於水傾殘漏點
遞盡更籌向來依約與那人一笑倚瓊樓五雲裏甚
聯裾結袂忒殺綢繆悠悠覺時枕席睡鄉不信近
溫柔夢兒人任意兒人在怎索干休待重尋舊路渾
不識獨自凝眸沒來由且拋伊這個又上心頭

沁園春壽胡蕉窗四十

天上人間何處飛來南極仙翁早降尊神重盤桓
媿

空等書生幻遊戲榻籠銀印專家牙籤滿屋五福端

天上人間何處飛來南極仙翁早降尊神重與世相
宦等書生幻遊戲鵝籠銀印傳家牙籤滿屋五福端
宜屬五峰真瀟灑看心閑秋鶴氣軼春虹朝來瑞
靄摩空湧一簇葩雲照海紅正屈指丁年偶符隱鹿
當頭午節已過分龍強仕韶華清和佳候好領羣仙
會麗農堪牽處羨鄉媛福地兜率天宮

絕好田園紅了珠榴綠了香蒲見矮桑徑裏車停縑
蘭垂楊隄外船泊收租犬豢劉安燕樓葛稚家裏神
仙足畫圖憑消受到幾番吟嘯幾會歡呼軒窗半
點塵無揮妙筆迴文贈鼠姑喜芳蘭繞砌玉昆競秀
蟠桃堆案金母相娛華鄂堂開愛蓮齋啟不必圓方

也。嶠壺俄來了，那謹嚴酒史傾倒癡奴。

蓮漏頻催銀燭高燒，式蕪華堂問誰斟。雉鼎原來彭
豎疇登魚俎，定自姜郎。魚鳳為羹，擘虬作脯，捧出仙
庖味索嘗。無加比果厨，逾邨美席讓鬢狂。醜船飛
到霞觴，漫送客沈沈入醉鄉。似不須再乞燒丹妙訣，
不須更覓辟穀良方。翠液濃浮瓊膏，拍泛指點壺中
日月長。從此後，壽翁不老，壽佛無量。

主客盈軒二十同儕，六百餘齡有洪崖奇士采芝入
詠陶潛逸侶綴菊為銘。莊自逍遙，朔還狡獪，未座誰
歟。乃許行休，嗤笑得神農秘術，也可長生。此中箇

國真靈並角技為歡藝畢呈或投壺矢激闕天大笑

箇真靈並角技為歡藝畢呈或投壺矢激闕天大笑
圍棋子落割地爭盟人各多能余偏好弄待放高歌
怕衆驚歸來也度南飛一曲東奏三星

鳳皇臺上憶吹簫

題沈簣谷課讀圖

風盡書香雲顏鬢影坐來秋潑軒楹喜袞師嬌小業
慧心靈嫺誦君家雌霓無箇事抱牘趨庭涼陰裏瑤
環瑜珥引動釵聲 盈之是神仙眷挈玉雪佳兒愛
等珠擎傍月宮仙桂萬斛濃馨依約嫦娥指點道折
與成此兒名君知否聞言莞然笑也先生

詞餘

聞雁

醉扶歸 啟瑤軒徐覺銅龍趁隔紗櫺遙知鐵馬停
寒宵獨自擁孤燈喜玲瓏一粟燈花映卻又憑誰提
起倦遊情呀叫的天邊嘹唳征鴻影

皂羅袍 猛可當頭飛並似邊笳嗚咽楚塞淒清多
教飄滴淚兒傾怎生收拾魂兒定暮雲將暝蘆花月
明板橋霜冷悲風送迎雁兒呵你可曾帶咱鄉書等
江兒水 試叩庭幃慶休將此岵登漾萍波快漾波
萍靜采蘭孩來采孩蘭淨侍萱堂趨侍堂萱盛中澤
哀鳴沒興可知這些蠅利蝸名換不過的雞鳴祝哽

玉交枝 餘驚歎、詐樓頭、舉帷涕零。夜闌字影無
須省。是蘇娘字、錦迴成說的。枯桐響、遙司馬行飛
蓬吹亂。文君病好，央俺千程萬程，喚征夫三更五更。
川撥棹 竊懷整惹鄉思，驀地驚，倘飛回過我園亭。
倘飛回過我園亭，便嚮待那梅花夢醒。遲春歸尚客
星，趕春歸作主盟。

僥僥令 路途苦，踏蹬無數險巖。經我麼到了迴雁
峰前，多受領看促取星迴北鄉行。

尾聲 杜鵑叫，斷猿啼，嶺送離鴻九迴腸。道同是天
涯，敢怕聽。

漁

黃鸝兒

鷗鷺小行窩
壓船頭綠一蓑
千絲網曬斜

陽卧蘋花雨
過蓼花月多扁舟
何必桃源躲且高歌

人間叵測江上不風波

樵

前腔 孤徑插青霄
斫溪雲滿擔挑
丁丁斤斧傳山

杪猿聲夜號
虎踪晝跑
隔峰遙聽人呼叫
自道遙歸

途息足簷角酒旗招

耕

前腔 紅雨隻犁輕喚家
布穀聲三農指
屈現蒲

杏春田麥成秋田穰生滿邨簫鼓豐年慶樂承平祖
完稅了雞犬不須驚

牧

前腔 衰草飯牛羊荷鞭來華子岡間多弄笛平坡
上誰分馬黃誰分狗蒼阿婆牛背還停當夜雖長羞
吟扣角飽卧月中央

遣興

罵玉郎帶過感皇恩採茶歌 崑崙纖細滄溟小天
何處放吾曹人間苦殺腐儒教說舜堯談禹皋將人
勗 駮了銀蛟駕了金鼈脫名韉除利鎖入青霄雲

槐持作旆彩虹挂作橋還羸似向錢虜覓錢刀
玉
皇招木公邀煙霞呼吸灑珠毫真與混沌同醉倒一
任他蜂螭人世小兒麈

右敝帚集一卷壬申初夏管偉手鈔

浙江圖



浙江圖書館

武
東山外紀
劉松藩同
驥同輯



浙江圖書館

武 東山外記 劉振麟因驥同輯

東山外記 查東山先生事也有一則云烟鎖池

塘柳五字山陰王遂東先生嘗屬對十餘先生

鳴鴻度剡中續成一詩有曰烟鎖池塘柳輝銷

樂浪城鐘烹松寺淡鐘點柏塵清又作迴文泉



寺燈枯錫柳塘池鎖烟烟鎖池塘柳錫枯燈寺泉

浙





浙江圖書館



浙江圖書館



浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black